



SAOPŠTENJE ZA JAVNOST

Određen pritvor za lice G.L. zbog osnovane sumnje u izvršenje krivičnih djela Ubistva u pokušaju i Nedoovoljeno držanje oružja

(Brčko, 15.04.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH je odredio pritvor licu G.L. (24)* iz Brčkog, zbog postojanja osnovane sumnje da je izvršio krivična djela Ubistva u pokušaju i Nedoovoljeno držanje oružja ili eksplozivnih tvari.

Osnovni sud Brčko distrikta BiH utvrdio je da su ispunjeni uslovi iz člana 132. stav 1. tačka c) Zakona o krivičnom postupku Brčko distrikta BiH, pa je licu G.L. iz Brčkog odredio jednomjesečni pritvor zbog postojanja osnovane sumnje da bi osumnjičeni ukoliko bude boravio na slobodi mogao ponoviti krivično djelo ili dovršiti pokušano krivično djelo, odnosno krivično djelo kojim prijeti a za to krivično djelo se može izreći kazna zatvora od 3 (tri) godine ili teža kazna. Istovremeno, postupajući sud nije utvrdio postojanje zakonskih opštih i posebnih uslova za određivanje pritvora licu I.L. (24)* iz Šamca.

Podsjetimo, u večernjim satima dana 11.04.2025.godine ispred ugostiteljskog objekta u naselju Grbavica u Brčko distriktu BiH, lice G.L. (24)* iz Brčkog u pratnji lica I.L. (24)* iz Šamca je nakon fizičkog napada na lica B.B., N.B i M.B. iz vatrenog oružja za koje nije posjedovao dozvolu ispalio više hitaca u namjeri izvršenja ubistva navedenih lica. U ovom događaju nije došlo po tjelesnih povreda kod oštećenih lica ali je nastala materijalna šteta. Nakon izvršenja opisanih krivičnih djela lica G.L. (24)* iz Brčkog i I.L. (24)* iz Šamca napustili su mjesto događaja u smjeru Donjeg Žabara, da bi se nedugo zatim dobrovoljno prijavili i predali u Policijsku stanicu Pelagićevo. Nakon izvršene kriminalističke obrade i predaje vatrenog oružja za koje se sumnja da je korišteno za izvršenje opisanih krivičnih djela, naprijed navedena lica su lišena slobode.

U daljem toku postupka, Tužilaštvo će nastaviti poduzimati sve propisane istražne mjere i radnje u cilju utvrđivanja svih važnih činjenica za ovaj događaj i daljeg krivičnog procesuiranja odgovornih lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VD GLAVNOG TUŽIOCA
RADMILU IVANOVIĆ**